



ZARAUZKO UDALA

Gizarte Zerbitzuak

Zarauzko Udala

Gizarte Zerbitzuetako Departamentua

Zarauzko udalerrian bertan eraldaketa sozialerako heziketa eta sentsibilizazio proiektuak egiteko dirulaguntzak emateko 2026. urteko deialdia

XEDAPEN HAUEK EZARTZEN DITUZTE OINARRI ARAUTZAILEAK:

- Zarauzko Udaleko dirulaguntzen ordenantza orokor arautzailea (Gipuzkoako Aldizkari Ofiziala, 2024ko apirilaren 5ekoa, 66 zk.).
- Zarauzko Udaleko Gizarte Zerbitzuak Departamentuko dirulaguntzak emateko Oinarri Espezifikoak (Gipuzkoako Aldizkari Ofiziala, 2026ko martxoaren 6koa, 44 zk.).



ZARAUZKO UDALA

Gizarte Zerbitzuak

1. Helburua.
2. Eskaerak.
3. Onuradunak.
4. Proiektuen betebeharrak.
5. Dirulaguntza emateko prozedura.
6. Balorazio irizpideak.
7. Ebazpena.
8. Dirulaguntzaren zenbatekoa.
9. Dirulaguntzaren ordainketa.
10. Proiektua gauzatzeko eta justifikatzeko epea.
11. Dirulaguntzaren xedea justifikatzea.
12. Zuzkidura eta aurrekontuko partida.
13. Publizitatea.
14. Ebazpenean aldaketak ekar dezaketen arrazoiak.
15. Dirulaguntzak itzultzea.
16. Araudia.
17. Errekurtsoak.

1. HELBURUA

Deialdi honen helburua da eraldaketa sozialerako heziketa proiektuak egiteko norgahiagoka prozeduraren bidez emango diren dirulaguntzak arautzea. Proiektu horiek tresna egokiak izango dira gizartearen baitan kontzientzia kritikoa sortzeko, erantzunkidetasun eta hiritartasun unibertsalaren ideiatik abiatuta; eta herritarrak mobilizatzea eta herrien nahiz pertsonen emantzipaziorako ekimen eta esperientzia eraldatzaileak martxan jartzea sustatuko dute.

Sentsibilizazioa indartuko duten ekintzak lagunduko dira. Hor sartzen dira kontzientzia kritikoa sortzeko Zarauzko gizarte osoari zuzendutako ekintzak. Desberdintasun ekonomiko, sozial, politiko, kultural eta generokoaren egiturazko arrazoiak agerian utziko dira, tokikoaren eta orokorraren arteko loturatik abiatuta. Eta, aldi berean, tolerantziaren eta elkartasunaren balioak sustatuko dira, sorleku eta jatorri geografiko desberdineko pertsonen eta kulturen artean.

2. ESKAERAK

Gizarte Zerbitzuetako Departamentuaren urteko deialdian zehazten den eskabide ofizialaren eredua betez egingo da eskaera, eta hilabeteko epean aurkeztu behar da, deialdi hau Gipuzkoako Aldizkari Ofizialean argitaratzen den hurrengo egunetik kontatzen hasita.

Eskaera horiek honela egin ahal izango dira:

- Zarauzko Udalaren zerbitzu telematikoen bidez.



ZARAUZKO UDALA

Gizarte Zerbitzuak

- Urriaren 1eko 39/2015 Legeak, Administrazio Publikoen Administrazio Prozedura Erkidearenak, 16.4 artikuluan adierazitako bide eta lekuetan.

Eskaria aurkezteak esan nahi du deialdi honetan jasotako baldintza guztiak onartzen direla.

Dirulaguntzaren xede diren proiektuak eranskineko inprimaki-ereduari jarraiki aurkeztuko dira.

Eskabidearekin batera honako dokumentazioa aurkeztuko da:

- Erakunde eskatzailearen pertsona arduradunaren edo ordezkariaren NANaren fotokopia.
- Erakunde eskatzailearen IFZaren fotokopia.
- Erakunde eskatzailea dagokion erregistroan inskribatuta dagoela frogatzen duen dokumentuaren fotokopia.
- Zarautzen legalki osatutako ordezkaritza duela frogatzen duen agiria, halakorik balego.
- Diruz lagundua izatea nahi den proiektuaren, jardueraren edo programaren jatorrizkoa.
- Aurreikusitako gastuen eta diru-sarreraren aurrekontua.
- Erantzukizunpeko adierazpena, beste departamentu, instituzio, erakunde eta abarretan egindako dirulaguntza-eskaerak edo, hala badagokio, emanda daudenak jasotzen dituenak.
- Zerga-betebeharrak, Gizarte Segurantzakoak eta Zarauzko Udalekoak egunean dituela, eta onuradun izateko Dirulaguntzen Lege Orokorraren 13. artikuluan adierazitako inolako debekurik ez daukatela adierazten duen erantzukizunpeko adierazpena.
- Zinpeko aitorpena, adierazten duena, batetik, sexuaren, ideologiaren, jaioterriaren, nazionalitatearen edo sexu-joeraren ziozko diskriminaziorik ez dela egiten kideak aukeratzeko prozesuan ezta lan-jardunean ere, eta bestetik, administrazio-zehapenik edo zehapen penalik ezarrita eta indarrean ez daukala sexuagatik diskriminazioa egin izanagatik, ez sexu-delituengatik.
- Entitate eskatzailearen estatutuak, lehendik Udalari entregatu bazaizkio izan ezik, baina estatutuak zein egun, organo edo bulegotan aurkeztu ziren adierazi beharko da, betiere dokumentu horiek loturik diren prozedura bukatu eta bost urte baino gehiago igaro ez bada.
- Ikastetxeen bermea, hezkuntza sistemari zuzendutako proiektuen kasuan.

Eranskinak Udaleko web-orrian daude.

Erakunde eskatzaile bakoitzeko proiektu bakar bat onartuko da.

3. ONURADUNAK



ZARAUZKO UDALA

Gizarte Zerbitzuak

Irabazi-asmorik gabeko gobernuz kanpoko edozein elkartek eskatu ahal izango ditu dirulaguntza hauek; horien jarduerak bat etorriko dira oinarri hauekin, eta Zarauzko udalerrian garatuko dira.

ZARAUZKO UDALAREN DIRULAGUNTZAK EMATEKO ORDENANTZA OROKOR ARAUTZAILEan eskatutako dokumentazioaz gain, beste hau erantsiko zaio eskaerari:

- Dagokion erregistroko inskripzioaren fotokopia.
- Erakunde eskatzailearen estatutuak, aurrez Udalari entregatu ez bazaizkio, betiere data eta zein organo edo ordezkari izan ziren jasota, eta dagokien prozeduraren amaieratik bost urte baino gehiago igaro ez badira.

Erakunde eskatzaile bakoitzeko proiektu bakar bat onartuko da.

Ezingo dute oinarri hauetan arautzen diren dirulaguntzen onuradun izan:

- Azaroaren 17ko 38/2003 Legeak, Dirulaguntzei buruzkoak, 13.2 artikuluan aurreikusten duen egoeraren batean dauden pertsonak edo erakundeak.
- Uztailaren 28ko 26/2015 Lege Organikoak jarritakoaren arabera, sexu-delituengatik zigor administratibo, laboral edo penalak jaso dituzten pertsona fisikoak nahiz juridikoak
- Emakume eta Gizonen Benetako Berdintasunari buruzko martxoaren 22ko 3/2007 Lege Organikoan eta 1/2023 Legegintzako Dekretua, martxoaren 16koa, emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testu bategina onartzen duenak ezarritako betekizunak betetzen dituela.
- Emakume eta gizonen arteko berdintasunaren printzipioaren aurkako helburuak, sarbide-sistemak, funtzionamendua, ibilbidea, jarduera, antolaketa edo estatutuak dituzten, eta sexuaren, ideologiaren, jaioterriaren, nazionalitatearen edo sexu-joeraren ziozko diskriminazioa egiten duten pertsona fisikoak nahiz juridikoak (Emakumeen eta Gizonen Berdintasunerako Zarauzko Udal Ordenantzaren 40.artikulua).
- Berdintasunerako eta sexuagatik diskriminatuta ez izateko eskubidea urratzeagatik zigor administratibo, laboral edo penalak jaso dituzten pertsona fisikoak nahiz juridikoak (Emakumeen eta Gizonen Berdintasunerako Zarauzko Udal Ordenantzaren 40. artikulua).

Erakundeek, kasuen arabera, lekukotza judizialaren bidez edo ziurtagiri bidez egiaztatu dezakete onuradun izaera lortzeko debekuetan sartuta ez daudela. Eta agiri horiek eskuratu ezin direnean, horien ordezkari, erantzukizunpeko aitorpenak aurkez daitezke.



ZARAUZKO UDALA

Gizarte Zerbitzuak

ZARAUZKO UDALAREN DIRULAGUNTZAK EMATEKO ORDENANTZA OROKOR ARAUTZAILEan agertzen diren baldintzez gain, beste hau ere bete beharko dute erakunde horiek: beren helburuak beteko direla bermatzeko behar adinako egitura eta gaitasun eraginkorra izatea, eta proiektuan hori behar bezala ziurtatzea.

4. PROIEKTUEN BETEBEHARRAK

Aurkeztutako proiektuek baldintza hauek bete beharko dituzte:

- Kontuan izatea gizonen eta emakumeen egoerak, baldintzak eta beharrak desberdinak direla, eta horren arabera, diruz laguntzeko programa edo jardueran genero ikuspegia txertatu beharko du.
- Nahikoa informazio eduki behar dute, helburu, emaitza, adierazle eta abarri buruz (eskaintzen den formularioaren arabera).
- Bideragarriak eta koherenteak izan behar dute, identifikaziotik ebaluazioko irizpideetara.
- Proiektuaren aurrekontu zehaztua eta egin beharreko gastuen programazioa sartu beharko da.
- Ikastetxeen bermea, hezkuntza sistemari zuzendutako proiektuen kasuan.
- Diruz lagundutako jarduera guztietan bermatuko da euskararen erabilera. Jarduerak euskaraz edo ele bitan egingo dira. Mezu idatziak (kartelak, esku-orriak, gonbidapenak, deialdiak, publizitatea...) eta ahozko komunikazioak (aurkezleak, hizlariak, musika...) gutxienez euskaraz egingo dira, eta, ele bitan eginez gero, euskarari lehentasuna emanda. Diruz lagundutako jarduera euskaraz egiten bada, euskaraz idatzi eta ezagutaraziko da.
- Haur, nerabe eta gazteentzat bereziki antolatutako jarduera guztiak euskaraz egingo dira. Euskararen erabilera bermatuko da arlo guztietan, hedapenean eta jarduera bera gauzatzerakoan.
- Dirulaguntzaren onuradunak hizkuntzaren tratamendua aurreikusi egingo du hirugarrenekin zerbitzuak kontratatzerakoan edo honakoak egiterakoan: bilerak, hitzaldiak, jendaurreko ekitaldiak, idatzizko komunikazioa (informazio-orriak, kartelak, gutunak, oharrak...), megafonia, web-orria, WhatsApp-taldea...
- Dirulaguntza justifikatzeko txostena, lehentasunez, euskaraz idatziko da, interesdunek bi hizkuntza ofizialetako edozeinetan harremanak izateko duten eskubideari utzi gabe.
- Dokumentazio, publizitate, irudi edo material guztietan sexismoarik gabeko komunikazio inklusiboa erabiliko du. Emakumeak diskriminatzen dituen edozein irudi edo estereotipo sexista saihestuko du; eta berdintasun-balioak, emakume eta gizonen presentzia orekatua, dibertsitatea, erantzunkidetasuna, rol-aniztasuna eta genero-identitate anitzak erakusten dituzten irudiak sustatuko ditu.



ZARAUZKO UDALA

Gizarte Zerbitzuak

- Dirulaguntza justifikatzeko memorian genero-ikuspegia txertatzeko hartutako neurrien deskribapen zehatza jaso beharko du eta diruz lagundutako proiektuaren parte-hartzaileen edo onuradunen kopurua sexuaren arabera (kopuru absolutuetan eta portzentaietan).
- Bermatuko du antolatutako jarduera, ekitaldi edo ikuskizunak eduki sexistarik gabekoak izango direla, eta ezingo dutela diskriminatu sexu, ideologia, jatorri etniko, nazionalitate edo sexu-orientazioko arrazoiengatik.

5. DIRULAGUNTZA EMATEKO PROZEDURA

Dirulaguntza hauek norgehiagoka erregimenean emango dira, eta prozedura ofizioz hasiko da, Gipuzkoako Aldizkari Ofizialean urtero argitaratuko den deialdiaren bitartez.

6. BALORAZIO IRIZPIDEAK

Irizpide eta balorazio-muga hauek kontuan izanda onartuko diren proiektuak hautatuko dira (gehienez 100 puntu). Gutxienez 50 puntu lortzen ez dituzten proiektuak ez dira diruz lagunduko.

Erakunde eskatzaileari buruzkoak (gehienez 34 puntu)

- Erakunde eskatzaileak eraldaketa sozialerako heziketa eta sentsibilizazio ekintzetan duen esperientzia (gehienez 10 puntu).
- Beste erakunde batzuekin batera eraldaketa sozialerako heziketa eta sentsibilizazio ekintzak egitea, eta helburu berarekin (gehienez 10 puntu).
- Erakunde eskatzaileak bere egoitza soziala Zarautzen izatea (gehienez 10 puntu).
- Dirulaguntza jasotzen duten elkarteen ardura-postuetan eta erabakitze organoetan emakumeen parte-hartzea gutxienez % 40koa izatea (gehienez 4 puntu).

Mezuaren edukiari buruzkoak (gehienez 35 puntu)

- Proiektuaren azalpena eta koherentzia orokorra (gehienez 15 puntu).
- Errefuxiatuen problematikari heltzen diona (gehienez 5 puntu).
- Proiektuak lagun dezala xede biztanleriaren ohituretan aldaketak bultzatzen (gehienez 5 puntu).
- Proiektuak indartu dezala giza eskubideen defentsa (gehienez 5 puntu).
- Jarduera euskara hutsez gauzatu eta zabaltzea (gehienez 5 puntu).

Metodologiari buruzkoak (gehienez 21 puntu)

- Jardueran parte hartzen dute hegoaldeko herrialde pobretuetako edo gatazka-
leketako proiektuetan sartutako pertsonak (gehienez 5 puntu).



ZARAUZKO UDALA

Gizarte Zerbitzuak

- Zehaztasun osoz definitzen dira proiektuaren helburuak, adierazleak eta espero diren emaitzak, bai eta egiaztapen-iturriak ere (gehienez 5 puntu).
- Genero ikuspegia kontuan hartzen da (gehienez 7 puntu).
- Proiektua bukatu ondoren ere, haren heziketa eta elkartasun ekintzaren jarraipena aurreikusi da (gehienez 4 puntu).

Aurrekontuari buruzkoak (gehienez 10 puntu):

- Aurrekontu banakatua, eta jarduera, bitarteko eta kostuen harreman egokia (gehienez 10 puntu).

7. EBAZPENA

Ebazpena Zarauzko Udaleko Ordenantza orokorrean ezarrita dagoenari jarraiki egingo da.

Organo eskudunak:

- Antolamendua eta instrukzioa (Instrukzio-organoa): Gizarte Zerbitzuetako Departamentuan adskribitutako teknikaria.
- Azterketa eta baliospena (Balioespen Batzordea): Kide anitzeko organo bat, dirulaguntza ematen duen Departamentuari dagokion informazio-batzordeko kideek osatutakoa.
- Ebazpena (Organo eskuduna): Alkatetzari edo Tokiko Gobernu Batzarrari egokituko zaio, Udalaren administrazio-antolamenduan une bakoitzean indarrean diren eskumenekin eta aldi bateko eskuordetzeekin bat etorritik.

8. DIRULAGUNTZAREN ZENBATEKOA

Bakoitzari gehienez 2.500,00 euroko zenbatekoa emango zaio.

Hautatutako proiektuei emandako dirulaguntzen zenbatekoa, oro har, eskatutako laguntzaren % 100ekoa izango da. Kasu berezietan, eskatutakoa baino kopuru txikiagoa ere eman dezake Udalak, proposatutako gastuak aztertu ondoren eta justifikatutako arrazoiengatik, baldin eta horrek jardueraren bideragarritasuna kolokan jartzen ez badu.

Onartu beharreko dirulaguntzak murriztu ahal izango dira, denak portzentaje berean, hautatutako proiektuen artean aurrekontu-kontsignazio erabilgarriak soilik partzialki estaltzen duen azken proiekturen bat edo batzuk sartzeko.

Deialdian kontsignatutako kreditua nahikoa bada jarritako baldintzak betetzen dituzten eskaera guztiei erantzuteko, ez da beharrezkoa izango lehiaketaren prozedurak berez dakarren lehentasun-hurrenkera jartzea.



ZARAUZKO UDALA

Gizarte Zerbitzuak

Aldiz, deialdian kontsignatutako kreditua ez bada nahikoa, irizpideak aplikatuta balorazio handiena lortu dutenei esleituko zaie dirulaguntza, kreditu eskuragarriaren barruan eta deialdian jarritako mugarekin. Beraz, jarduerak puntuazio-hurrenkeraren arabera jasoko dute dirulaguntza, aurrekontuaren mugak eta baliabideak kontuan hartuta.

9. DIRULAGUNTZAREN ORDAINKETA

Deialdi honen bidez diruz lagunduko diren ekintzen berezitasunei erreparatuta, zenbatekoaren % 70 dirulaguntza ebazten denean ordaindu ahal izango da, eta gainontzeko % 30a diruz lagundutako jarduera amaitu eta hori behar bezala justifikatu ostean.

Dena den, ordainketak aurreratu ahal izango dira (dirulaguntza emateko ebazpenean zehaztutako moduan), baldin eta aurretik justifikatzen bada finantzazio hori beharrezkoa dela diruz lagundutako jarduerak aurrera eramateko.

10. PROIKETUA GAUZATZEKO ETA JUSTIFIKATZEKO EPEA

Dirulaguntza eman den urtean bertan hasi behar da proiektua, eta gehienez urtebeteko iraupena izango du, dirulaguntza hartzen denetik kontatzen hasita, nolanahi ere justifikazioa 2027ko ekainaren 30a baino lehen aurkeztu beharko da.

11. DIRULAGUNTZAREN XEDEA JUSTIFIKATZEA

Udaleko Ordenantza Orokorraren 22.1.d) artikuluan jartzen duen bezala, onuradunak bere gastu eta diru-sarrera guztien kontuak aurkeztu beharko ditu (urteko jarduerak egiteko dirulaguntzen kasuan) edo jarduera edo programa espezifiko bati dagozkion guztiak (jarduera edo programa zehatz bat egiteko ematen den dirulaguntzaren kasuan). Beraz, diruz lagundutako proiektuaren, jardueraren edo programaren % 100 justifikatu behar du. Justifikatutako gastuak aurrekontuan sartutakoak baino txikiagoak badira, portzentaje berean murriztuko da emandako dirulaguntza.

Justifikatzeko, Justifikazio Kontu Sinplifikatua erabili ahalko da, 887/2006 Errege Dekretuak, uztailaren 21ekoak, 75. artikuluan jartzen duen moduan, eta dokumentazio hau edukiko du:

- Dirulaguntzaren emakidan jarritako baldintzak bete direla justifikatzeko jardueramemoria bat; egindako jarduerak eta lortutako emaitzak adieraziko dira bertan.
- Jardueraren gastuen eta inbertsioen ordainketaren aitorpen arduratsua, honakoak adierazita: hartzekodunaren eta dokumentuaren identifikazioa, zenbatekoa, jaulkipen-



ZARAUZKO UDALA

Gizarte Zerbitzuak

data eta, hala badagokio, ordainketa-data. Dirulaguntza gutxi gorabeherako aurrekontu baten arabera ematen bada, gertatutako desbiderapenak adieraziko dira.

- Diruz lagundutako jarduera finantzatu duten beste diru-sarrera edo dirulaguntza batzuen aitortpen arduratsua, haien zenbatekoa eta jatorria adierazita.
- Hala badagokio, aplikatu gabeko soberakinen eta horietatik sortutako interesen itzuleraren ordainketa-gutuna.

“Moneta-unitateak” izeneko lagin-teknikaren bidez egiaztatuko dira gastuaren frogagiriak, dirulaguntzaren aplikazio egokiari buruzko arrazoizko ebidentzia lortzeko.

Edonola ere, gastuen jatorrizko frogagiriak edo froga-balio bereko beste agiri batzuk izango dira gastuen frogagiriak. Agiriok balioa edota eraginkortasun administratiboa izango dute merkatuko trafiko juridikoan, erregelamendu bidez jarritakoaren arabera.

Dirulaguntza justifikatzeko txostena, lehentasunez, euskaraz idatziko da, interesdunek bi hizkuntza ofizialetako edozeinetan harremanak izateko duten eskubideari utzi gabe.

12. ZUZKIDURA ETA AURREKONTUKO PARTIDA

Deialdi honen bidez dirulaguntzak emateko zenbatekoa gehienez ere 8.000,00 eurokoa da, aurrekontuko 0501.481.02.231.81.2026 partidari egoztekoa.

13. PUBLIZITATEA

Dirulaguntzen Datu Base Nazionalak dirulaguntzen publizitate-sistema nazional gisa jardungo du.

Horretarako, administrazio emaileak erabakitako deialdiei eta ebazpenei buruzko informazioa bidaliko dio BDNSri, hark emandako bitarteko elektronikoen bidez.

Emandako dirulaguntzen zerrenda Udalaren web-orrian eta udaletxeko iragarki-taulan argitaratuko da, onuradunak eta zenbatekoak adierazita.

Dirulaguntza jasotzen duen entitateak derrigorrez adieraziko du Zarauzko Udalak diruz lagundu duela jarduera.

Zabalkunde-neurriak hauek izango dira: entitate emailearen irudi instituzionala edo finantzaketa publikoari buruzko legendak sartzea karteletan, oroitzapen-plaketan, material inprimatuetan, bitarteko elektronikoen edo ikus-entzunezkoetan eta komunikabideetan egindako aipamenetan.



ZARAUZKO UDALA

Gizarte Zerbitzuak

Onuradunek, gainera, jasotako dirulaguntzen eta laguntzen publizitatea egin beharko dute, zenbatekoa eta helburua adierazita, eta gardentasunari, informazio publikoa eskuratzeko bideari eta gobernu onari buruzko abenduaren 9ko 19/2013 Legean jarritako moduan eta baldintzetan, honako kasu hauetan:

- Entitate pribatuek urtebeteko epean 100.000 eurotik gorako laguntza edo dirulaguntza publikoak jasotzen dituztenean, edo urteko diru-sarrera guztien % 40 gutxienez laguntza edo dirulaguntza publikokoak direnean, betiere gutxienez 5.000 eurora iristen badira.
- Interes sozial edo kultureko helburuak besterik ez dituzten irabazi-asmorik gabeko entitateak badira, eta 50.000 eurotik beherako aurrekontua badute, jasotako laguntza edo dirulaguntza publiko gehienek jatorri den Administrazio Publikoak haien esku jarritako bitarteko elektronikoak erabili ahal izango dituzte lege honetatik eratorritako betebeharrak betetzeko

14. EBAZPENEAN ALDAKETAK EKAR DEZAKETEN ARRAZOIAK

Elkarte onuradunek, diruz lagundutako jarduera egiteko epea amaitu baino lehen, dirulaguntza eman duen organoari eska diezaioke ebazpenean ezarritako epeak luzatzea dakartzaten aldaketak, emandako diru-kopurua murriztea edo jardueran sartzen diren ekintzen aldaketa egitea; aldaketa horiek baietza jasoko dute ezusteko baten ondorioz sortuak izan badira edo jarduera ondo burutzeko beharrezkoak egiten badira, baldin eta dirulaguntzaren helburua edo xedea aldatzen ez bada eta inoren eskubideak kaltetzen ez badira.

15. DIRULAGUNTZAK ITZULTZEA

1. Oinarri hauetan edo dirulaguntzaren emakidan jarritako edozein betebeharrak betetzen ez bada, berriz aztertuko da dirulaguntza, eta, horren arabera, emandako dirulaguntza baliogabetu, murriztu edo itzuli beharko da, abenduaren 17ko 38/2003 Lege Orokorrak, Dirulaguntzei buruzkoak, 37. eta 52. artikuluetan eta hurrengoetan aurreikusten duen baldintzetan.

Jasotako diru-kopuruak itzuli beharko dira, eta dirulaguntza ordaindu zenetik itzulketa egin beharra erabakitzen den bitarteko berandutze-interesak ere bai. Itzulketa hori Zarauzko Udaleko Ordenantza orokorrean jarritako prozeduraren arabera egingo da.

2. Ez-betetzeak mailakatzeko proportzionaltasun irizpideak erabiliko dira, eta egindako lanen eta proiektu guztiaren eta jasotako zenbatekoaren arteko proportzioaren arabera kalkulatuko dira.



ZARAUZKO UDALA

Gizarte Zerbitzuak

16. ARAUDIA

Deialdi honetan aurreikusi ez den orotan arau hauek aplikatuko dira: azaroaren 17ko Dirulaguntzen 38/2003 Lege Orokorra (azaroaren 18ko BOE); horren garapenerako Erregelamendua, uztailaren 21eko 887/2006 Errege Dekretuaren bidez onartua (uztailaren 25eko BOE); eta Zarauzko Udaleko dirulaguntzen ordenantza orokor arautzailea (Gipuzkoako Aldizkari Ofiziala, 2024ko apirilaren 5ekoa, 66 zk.) eta Gizarte Zerbitzuetako dirulaguntzak emateko Oinarri Espezifikoak (Gipuzkoako Aldizkari Ofiziala, 2024ko apirilaren 5ekoa, 66 zk.).

17. ERREKURTSOAK

Deialdi honen aurka, berraztertze-errekurtsoa jarri ahal izango da, hilabeteko epean, deialdia onartu duen organo eskudunaren aurrean; edo zuzenean inpugnatu ahal izango da, bi hilabeteko epean, Administrazioarekiko Auzien Epaitegiaren aurrean.

Epeak, bi kasuetan, oinarri hauen argitalpenaren biharamunetik hasita kontatuko dira.